


瑜伽師地論

第三

二百廿三
習三

48993



瑜伽師地論卷第三

彌勒菩薩說

沙門 玄奘奉

詔譯



習

本地分中意地第二之三

復次即前所說自性乃至業等五事當知皆由三處所攝謂由色聚故心心所品故及無為故除餘假有法今當先說色聚諸法問一

切法生皆從自種而起去何說諸大種能生所造色耶云何造色依彼彼所建立彼所任持彼所長養耶答由一切內外大種及所造色種子皆悉依附內相續心乃至諸大種子未生諸大以來造色種子終不能生造色要由彼生造色方從自種子生是故說彼能生



造色由彼生爲前導故由此道理說諸大種
爲彼生因云何造色依於彼耶由造色生已
不離大種處而轉故云何彼所建立由大種
損益彼同安危故云何彼所任持由隨大種
等量不壞故云何彼所長養由因飲食睡眠
修習梵行三摩地等依彼造色倍復增廣故
說大種爲彼養因如是諸大種望所造色有
五種作用應知

復次於色聚中曾無極微生若從自種生時
唯聚集生或細或中或大又非極微集成色
聚但由覺慧分析諸色極量邊際分別假立
以爲極微又色聚亦有方分極微亦有方分

然色聚有分非極微何以故由極微即是分
此是聚色所有非極微復有餘極微是故極
微非有分又不相離有二種一同處不相離
謂大種極微與色香味觸等於無根處有離
根者於有根處有有根者是名同處不相離
二和雜不相離謂即此大種極微與餘聚集

能造所造色處俱故是名和雜不相離又此
遍滿聚色應知如種種物石磨為末以水和
合互不相離非如胡麻綠苴粟稗等聚又一
切所造色皆即依止大種處不過大種處量
乃至大種所據處所諸所造色還即據此由
此因緣說所造色依於大種即以此義說諸

大種名爲大種由此大種其性大故爲種生
故復次於諸色聚中略有十四種事謂地水
火風色聲香味觸及眼等五根除唯意所行
色一切色聚有色諸根所攝者有一切如所
說事界如有色諸根所攝聚如是有色諸根
所依大種所攝聚亦尔所餘色聚除有色諸
根唯有餘界又約相攝有十四事即由相攝
施設事極微若約界攝隨於此聚有尔所界即
說此聚尔所事攝若約不相離攝或内或外
所有諸聚隨於此聚中乃至有尔所法相可
得即說此聚尔所事攝應知所以者何或有
聚中唯一大種可得如石末屑真珠瑠璃珂

貝璧玉珊瑚等中或池沼溝渠江河等中或
火焰燈燭等中或四方風輪有塵無塵風等
中或有聚中二大種可得如雪濕樹葉華果
等中或熱末后等中或有聚中三大種可得
如即熱樹等中或動搖中或有聚中四大種
可得謂於內色聚中如薄伽梵說於各別內
身若髮毛等乃至糞穢是內地界若小便等
是內水界若於身中所有煖等是內火界若
上行等風是內風界如是若於此聚彼相可
得說彼相爲有若不可得說彼相爲無
復次聲於一切色聚中界故說有相即不定
由現在方便生故風有二種謂恒相續及不

恒相續恒相續者謂於彼彼聚有恒旋轉風
不恒相續者謂旋風及空行風又闇色明色
說名空界及孔隙又諸闇色恒相續者謂世
界中間不恒相續者謂於餘處如是明色恒
相續者謂於自然光明天中不恒相續者謂
於餘處又明闇色謂於顯色增聚應知又由
依心色聚種子功能故若遇相似緣時或小
聚無間大聚生或大聚無間小聚生由此因
緣施設諸聚有增有減如經言若堅取攝近攝
執受乃至廣說堅云何謂地堅攝云何謂彼
種子又堅者即彼界堅攝者謂髮毛等或土
塊等近攝云何謂有執受執受云何謂內所

攝非近攝云何謂無執受無執受云何謂外
所攝又心心所所執種子名近攝名執受與
此相違名非近攝名非執受又隨逐自身故
名近攝執受如前說如是水等界如理應知
又於一切色聚中一切時具有一切大種界
如世間現見乾薪等物鑽即火生擊石等亦
尔又銅鐵金銀等極火所燒即銷為水從月
愛珠水便流出又得神通者由心勝解力變
大地等成金銀等又色聚有三種流轉一者
長養二者等流三者異熟生長養有二種一
處遍滿長養二相增盛長養等流有四種一
長養等流二異熟等流三變異等流四自性

等流異熟生有二種一異熟體生名異熟生
二從異熟生名異熟生又諸色聚略說依六
處轉謂建立處覆藏處資具處根所依處根
處三摩地所行處

復次於心心所品中有心得及五十三心
所可得謂作意等乃至尋伺爲後邊如前說

問如是諸心法幾依一切處心生一切地一
切時一切耶答五謂作意等思爲後邊幾依
一切處心生一切地非一切時非一切耶答
亦五謂欲等慧爲後邊幾唯依善非一切處
心生然一切地非一切時非一切耶答謂信
等不害爲後邊幾唯依染汚非一切處心生

非一切地非一切時非一切耶荅謂貪等不
正知爲後邊幾依一切處心生非一切地非
一切時非一切耶荅謂惡作等伺爲後邊復
次根不壞境界現前能生作意正起今時從
彼識乃得生云何根不壞謂有二種因一不
滅壞故二不羸劣故云何境界現前謂或由
所依處故或由自性故或由方故或由時故
或由顯了不顯了故或由全分及一分故若
四種障所不障礙亦非極遠謂覆蔽障隱沒
障映奪障幻惑障極遠有二種謂處所極遠
損減極遠云何能生作意正起由四因故一
由欲力二由念力三由境界力四由數習力

云何由欲力謂若於是處心有愛著心則於
彼多作意生云何由念力謂若於彼已善取
其相已極作想心則於彼多作意生云何由
境界力謂若彼境界或極廣大或極可意正
現在前心則於彼多作意生云何由數習力
若於彼境界已極串習已極諳悉心即於彼
多作意生若異此者應於一所緣境唯一作
意一切時生又非五識身有二刹那相隨俱
生亦無展轉無間更互而生又一刹那五識
身生已從此無間必意識生從此無間或時
散亂或耳識生或五識身中隨一識生若不
散亂必定意識中第二決定心生由此尋求

決定二意識故分別境界又由二種因故或
染污或善法生謂分別故及先所引故意識
中所有由二種因在五識者唯由先所引故
所以者何由染污及善意識力所引故從此
無間於眼等識中染污及善法生不由分別
彼無分別故由此道理說眼等識隨意識轉
如經有起一心若衆多心云何安立此一心
耶謂世俗言說一心刹那非生起刹那云何
世俗言說一心刹那謂一處爲依止於一境
界事有尔所了別生惣尔所時名一心刹那
又相似相續亦說名一與第二念極相以故
又意識任運散亂緣不串習境時無欲等生

今時意識名率。今墮心唯緣過去境。五識無
間所生意識。或尋求或決定。唯應說緣現在
境。若此即終彼境。生又識能了別事之揔相。
即此所未了別所了境相能了別者。說名作
意。即此可意不可意俱相違。相由觸了別。即
此攝受損害俱相違。相由受了別。即此言說
因相由想了別。即此邪正俱相違。行因相由
思了別是故。說彼作意等思為後邊名心所。
有法遍一切處一切地一切時一切生作意。
云何謂心迴轉觸云何謂三和合受云何謂
領納想云何謂了像思云何謂心造作欲云
何謂於可樂事隨彼彼行欲有所作性勝解。

云何謂於決定事隨彼彼行印可隨順性念
云何謂於串習事隨彼彼行明了記憶性三
摩地云何謂於所觀察事隨彼彼行審慮所
依心一境性慧云何謂即於所觀察事隨彼
彼行簡擇諸法性或由如理所引或由不如
理所引或由非如理非不如理所引

又作意作何業謂引心爲業觸作何業謂受
想思所依爲業受作何業謂愛生所待爲業
想作何業謂於所緣令心發起種種言說爲
業思作何業謂發起尋伺身語業等爲業欲
作何業謂發勤爲業勝解作何業謂於所緣
住持功德過失爲業念作何業謂於久所思

所作所說憶念爲業三摩地作何業謂智所
依爲業慧作何業謂於戲論所行染污清淨
隨順推求爲業

云何建立三世謂諸種子不離法故如法建
立又由與果未與果故若諸果法若已滅相
是過去有因未生相是未來已生未滅相是
現在

云何建立生老住無常謂於一切處識相續
中一切種子相續俱行建立由有緣力故先
未相續生法今最初生是名生有爲相即此
變異性名老有爲相此復二種一異性變異
性二變性變異性由有相似生故立異性變

異性由有不相似生故立變性變異性即已
生時唯生刹那隨轉故名住有爲相生刹那
後刹那不住故名無常有爲相如是即約諸
法分位差別建立四相

又有四緣一因緣二等無間緣三所緣緣四
增上緣因緣者謂種子等無間緣者謂若此
識無間諸識決定生此是彼等無間緣所緣
緣者謂諸心心所所緣境界增上緣者謂除
種子餘所依如眼及助伴法望眼識所餘識
亦亦又善不善性能取愛非愛果如是等類
名增上緣又由種子故建立因緣由自性故
立等無間緣由所緣境故立所緣緣由所依

及助伴等故立增上緣如經言諸因諸緣能
生識者彼即此四因緣一者亦因亦緣餘唯
是緣

又如經言善不善無記者彼差別云何謂諸
善法或立一種由無罪義故或立二種謂生
得善及方便善或立三種謂自性善相應善
等起善或立四種謂順福分善順解脫分善
順決擇分善及無漏善或立五種謂施性善
戒性善修性善愛果善離繫果善或立六種
謂善色受想行識及擇滅或立七種謂念任
所攝善正勝所攝善神足所攝善根所攝善
力所攝善覺支所攝善道支所攝善或立八

種謂起迎合掌問訊禮敬業所攝善讚彼妙
說稱揚實德所攝善供承病者所攝善敬事
師長所攝善隨喜所攝善勸請所攝善迴向
所攝善修無量所攝善或立九種謂方便無
礙解脫勝進道所攝善及軟中上出世道
所攝善或立十種謂有依善無依善聞所生
善思所生善律儀所攝善非律儀非不律儀
所攝善根本眷屬所攝善聲聞乘所攝善獨
覺乘所攝善大乘所攝善又立十種謂欲界
繫善初二三四靜慮繫善空無邊處識無邊
處無所有處非想非非想處繫善無漏所攝
善又有十種謂十善業道又有十種謂無學

正見乃至正解脫正智又有十種謂能感八福生及轉輪王善及趣不動善如是等類諸善差別略說善有二種義謂取愛果義善了知事及彼果義不善法者謂與善法相違及能為障礙由能取不受果故及不正了知事故無記法者略有四種謂異熟生及一分威

儀路工巧處及變化若諸工巧但為戲樂不為活命非習業想非為簡擇此工巧處業是染污餘是無記如工巧處威儀路亦尔變化有二種謂善及無記

復次眼有一種謂能見色或立二種謂長養眼異熟生眼或立三種謂肉眼天眼慧眼或

立四種謂有瞋眼無瞋眼恒相續眼不恒相
續眼恒相續者謂色界眼或立五種謂五趣
所攝眼或立六種謂自相續眼他相續眼端
嚴眼醜陋眼有垢眼無垢眼或立七種謂有
識眼無識眼強眼弱眼善識所依眼不善識
所依眼無記識所依眼或立八種謂依處眼
變化眼善業異熟生眼不善業異熟生眼食
所長養眼睡眠長養眼梵行長養眼定所長
養眼或立九種謂已得眼未得眼曾得眼未
曾得眼得已失眼應斷眼不應斷眼已斷眼
非已斷眼或立十種者無或立十一種謂過
去眼未來眼現在眼內眼外眼麤眼細眼劣

眼妙眼遠眼近眼如眼如是耳等亦亦是中
差別者謂增三增四三種耳者謂肉所纏耳
天耳審諦耳四種耳者謂恒相續耳不恒相
續耳高聽耳非高聽耳三種鼻舌者謂光淨
不光淨及被損四種鼻舌者謂恒相續不恒
相續有識無識三種身者謂滓穢處非滓穢
處及一切遍諸根所隨逐故四種身者謂恒
相續不恒相續有自然光無自然光
或立一種意謂由識法義故或立二種謂墮
施設意不墮施設意初謂了別名言者意後
謂嬰兒意又初謂世間意後謂出世間意或
立三種謂心意識或立四種謂善不善有覆

無記無覆無記或立五種謂五位差別一因
位二果位三樂位四苦位五不苦不樂位或
立六種謂六識身或立七種謂依七識任或
立八種謂增語觸相應有對觸相應依耽嗜
依出離有愛味無愛味世間出世間或立九
種謂依九有情居或立十種者無或立十一
種如前說或立十二種即十二心謂欲界善
心不善心有覆無記心無覆無記心色界有
三心除不善無色界亦尔出世間心有二種
謂學及無學

或立一種色謂由眼所行義故或立二種謂
內色外色或立三種謂顯色形色表色或立

四種謂有依光明色無依光明色正不正光明色積集任色或立五種謂由五趣差別故或立六種謂建立所攝色覆藏所攝色境界所攝色有情數色非有情數色有見有對色或立七種謂由七種攝受事差別故或立八種謂依八世雜說一地分雜色二山雜色三園林地沼等雜色四宮室雜色五業處雜色六彩畫雜色七鍛業雜色八資具雜色或立九種謂若過去若未來若現在若麤若細若劣若妙若遠若近或立十種謂十種資具或立一種聲謂由耳所行義故或立二種謂了義聲不了義聲或立三種謂因受大種聲

因不受大種聲因俱大種聲或立四種謂善不善有覆無記無覆無記或立五種謂由五趣差別故或立六種一受持讀誦聲二請問聲三說法聲四論議決擇聲五展轉言教若犯若出聲六喧雜聲或立七種謂男聲女聲下聲中聲上聲鳥獸等聲風林叢聲或立八

種謂四聖言聲四非聖言聲四非聖言者一不見言見見言不見非聖言二不聞言聞聞言不聞非聖言三不覺言覺覺言不覺非聖言四不知言知知言不知非聖言四聖言者一見言見不見言不見聖言二聞言聞不聞言不聞聖言三覺言覺不覺言不覺聖言四

知言知不知言不知聖言又有八種謂四善
語業道四不善語業道或立九種謂過去未
來現在乃至若遠若近或立十種謂五樂所
攝聲此復云何一舞俱行聲二歌俱行聲三
絃管俱行聲四女俱行聲五男俱行聲六螺
俱行聲七腰等鼓俱行聲八岡等鼓俱行聲
九都曇等鼓俱行聲十俳叫聲

或立一種香謂由鼻所行義故或立二種謂
內及外或立三種謂可意不可意及處中香
或立四種謂四大香一沉香二窣堵魯迦香
三龍腦香四麝香或立五種謂根香莖香葉
香華香果香或立六種謂食香飲香衣香莊

嚴具香葉香宮室香或立七種謂皮香葉香
素泣謎羅香旃檀香三辛香熏香末香或立
八種謂俱生香非俱生香恒續香非恒續香
雜香純香猛香非猛香或立九種謂過去未
來現在等如前說或立十種謂女香男香一
指香二指香唾香涕香脂髓膿血香肉香雜
糝香淤泥香

或立一種味謂由舌所行義故或立二種謂
內及外或立三種謂可意等如前說或立四
種謂大麥味粳稻味小麦味餘下穀味或立
五種謂酒飲味非酒飲味蔬菜味林菓味所
食味或立六種謂甘苦等或立七種謂蘇味

油味蜜味甘蔞變味乳酪味鹽味肉味或立
八種如香說或立九種亦如香說或立十種
謂可爵味可噉味可嘗味可飲味可吮味可
暴乾味充足味休愈味盪滌味常習味後五
謂諸藥味

或立一種觸謂由身所行義故或立二種如
香說或立三種謂可意等或立四種謂摩觸
搦觸打觸揉觸或立五種謂五趣差別又有
五種謂蚊蜻蚤虱虵蠍等觸或立六種謂苦
樂不苦不樂俱生所治攝能治攝或立七種
謂堅韌觸流濕觸煖觸動觸跳墮觸摩接觸
身變異觸謂濕滑等或立八種謂手觸觸塊

觸觸杖觸觸刀觸觸冷觸觸煖觸觸饑觸觸
渴觸觸或立九種如香說或立十種謂食觸
飲觸乘觸衣觸莊嚴具觸牀座觸机蹬臺枕
及方坐觸女觸男觸彼二相事受用觸

略說法界若假若實有八十七法彼復云何
謂心所有法有五十三始從作意乃至尋伺
爲後邊法處所攝色有二種謂律儀不律儀
所攝色三摩地所行色不相應行有二十四
種謂得無想定滅盡定無想異熟命根衆同
分異生性生老住無常名身句身文身流轉
定異相應勢速次第時方數和合不和合無
爲有八事謂虛空非擇滅擇滅善不善無記

法真如不動想受滅如是無爲廣八略六若
六若八平等平等

復次法界或立一種謂由意所行義或立二
種謂假所攝法非假所攝法或立三種謂有
色無色及有爲無爲或立四種謂有色假所
攝法無色心所有所攝法無色不相應假所

攝法無色無爲假非假所攝法或立五種謂
色心所有法心不相應行善無記無爲或立
六種謂受想相應行不相應行色無爲或立
七種謂受想思染汚不染汚色無爲或立八
種謂善不善無記受想行色無爲或立九種
謂由過去未來等差別或立十種謂由十種

義一隨逐生義二領所緣義三取所緣相義
四於所緣造作義五即彼諸法分位差別義
六無障礙義七常離繫義八常非離繫義九
常無顛倒義十苦樂離繫義非受離繫義及
受離繫義如是若內若外六處所攝法差別
分別有六百六十

復次屢觀衆色觀而復捨故名爲眼數數於
此聲至能聞故名爲耳數由此故能嗅諸香
故名爲鼻能除饑羸數發言論表彰呼召故
名爲舌諸根所隨周遍積聚故名爲身愚夫
長夜瑩飾蔽護執爲已有計爲我所我及我
所又諸世間依此假立種種名想謂之有情

人與命者生者意生及儒童等故名爲意數
可示現在其方所質量可增故名爲色數宣
數謝隨增異論故名爲聲離質潛形屢隨風
轉故名爲香可以舌嘗屢招疾苦故名爲味
數可爲身所證得故名爲觸遍能任持唯意
境性故名爲法如是等類諸法差別應知此
中重說喞柁南曰

自性及所依

所緣助伴業

由此五種門

諸心差別轉

此中顯由五法六識身差別轉謂自性故所
依故所緣故助伴故業故又復應知蘊善巧
攝界善巧攝處善巧攝緣起善巧攝處非處

善巧攝根善巧攝又復應知諸佛語言九事
所攝云何九事一有情事二受用事三生起
事四安任事五染淨事六差別事七說者事
八所說事九衆會事有情事者謂五取蘊受
用事者謂十二處生起事者謂十二分緣起
及緣生安任事者謂四食染淨事者謂四聖
諦差別事者謂無量界說者事者謂佛及彼
弟子所說事者謂四念住等菩提分法衆會
事者所謂八衆一刹帝利衆二婆羅門衆三
長者衆四沙門衆五四大天王衆六三十三
天衆七夜摩天衆八梵天衆又喞於南曰
色聚相應品 世相及與緣 善等差別門

巧便事為後

瑜伽師地論卷第三

分析擊下先栗稗下拜反珂珎下上博帶反池沼之下

小孔隙下丘塊傾對鑽子官諳悉舍上烏訊音

曠詩問同反耽嗜上丁舍反鍛丁乱八出音下舊

溲反窳堵下上蘇沒反麝夜泣迷莫漢替音蔬

菜上音嚼慈約暴乾上蒲木報休愈主羊盪

滌徒上音蕩下搦屈厄反揉而休愈蚊音蜻文上盪

莫庚蚘蠖下許堅鞞吾下更去鞭跳音机蹬居上

矣反下臺抗浪下苦襄力句更去鞭跳音机蹬居上

音

